

禮記

禮記卷第十七

表記第卅二

禮記

鄭氏注

子言之歸乎君子隱而顯
不矜而莊不厲而威不言

而信子曰君子不失足於
人不失色於人不失口於
人是故君子貌足畏也色
足憚也言足信也甫刑曰
敬忌而罔有擇言在躬子
曰裼龍衣之不相因也欲臣

之毋相瀆也子曰祭極敬
不繼之以樂朝極辨不繼
之以倦子曰君子慎以辟
禍篤以不揜恭以遠恥子
曰君子莊敬日強安肆日
偷君子不以一日使其躬

儻焉如不終日子曰齊戒
以事鬼神擇日月以見君
恐且之不敬也子曰狎侮
死焉而不畏也子曰無辭
不相接也無禮不相見也
欲且之毋相褻也易曰初

筮告再三瀆瀆則不告子
言之仁者天下之表也義
者天下之制也報者天下
之利也子曰以德報德則
民有所勸以怨報怨則民
有所懲詩曰無言不讎無

德不報大甲曰臣非后無
能胥以寧后非臣無以辟
四方子曰以德報怨則寬
身之仁也以怨報德則刑
戮之臣也子曰無欲而好
仁者無畏而惡不仁者天

下一人而已矣是故君子
議道自己而置法以昆子
曰仁有三與仁同功而異
情與仁同功其仁未可知
也與仁同過然後其仁可
知也仁者安仁知者利仁

畏罪者強仁仁者右也道
者左也仁者人也道者義
也厚於仁者薄於義親而
不尊厚於義者薄於仁尊
而不親道有至義有考至
道以王義道以霸考道以

爲無失子言之仁有數義
有長短小大中心慤怛愛
人之仁也率法而強之資
仁者也詩云豐水有芑武
王豈不仕詒厥孫謀以燕
翼子武王烝哉數世之人

也國風曰我今不閱皇恤
我後終身之仁也子曰仁
之爲器重其爲道遠舉者
莫能勝也行者莫能致也
取數多者仁也夫勉於仁
者不亦難乎是故君子以

義度人則難爲人以人望
人則賢者可知已矣子曰
中心安仁者天下一人而
已矣大雅曰德輶如毛民
鮮克舉之我儀圖之惟仲
山甫舉之愛莫助之小雅

曰高山仰止景行行止子曰
詩之好仁如此鄉道而行
中道而廢忘身之老也不
知年數之不足也俛焉日
有孳孳敝死而后已子曰仁
之難成久矣人人失其所

好故仁者之過易辭也子
曰恭近禮儉近仁信近情
敬讓以行此雖有過其
不甚矣夫恭寡過情可信
儉易容也以此失之者不
亦鮮乎詩云溫溫恭人惟

德之基子曰仁之難成久
矣唯君子能之是故君子
不以其所能者病人不以
人之所不能者愧人是故
聖人之制行也不制以己
使民有所勸勉愧恥以行

其言禮以節之信以結之
容貌以文之衣服以移之
朋友以極之欲臣之有壹
也小雅曰不愧于人不畏
于天是故君子服其服則
文以君子之容有其容則

文以君子之辭遂其辭則
實以君子之德是故君子
恥服其服而無其容恥有
其容而無其辭恥有其辭
而無其德恥有其德而無
其行是故君子衰絰則有